

FASNACHT 1973

PFLUDERI-ASYL

PFLUDERI ALTI GARDE



1963

1973

Sujet:

Dr ney Bruggezopf

S'Kaffi Spitz, dr Meriansaal
muess me ney erstelle
rentiere sott's, seit s'Kapital
das finde anderi fatal
die hänn's wie friehner welle.

Jede het e-n-anderi Meinig
Johr fir Johr goht dure
dornig isch dr Wäg und steinig
s' gseht us, als wurd me nie meh einig
vor lutter dumme Schnure.

Dien denn alli afoh spinne
me kennt's bigott fascht meine
ka sich z'lerscht no cine bänne
wie's usse ussgsch het und inne
läbt iberhaupt no cine?

Wenn die vom Heimetschutz nit wäre
und au dr Fritzli Lauber
wär fir dr Gryff, dr Ley, dr Hähre
vis-à-vis vom schwarze Bäre
alles fuule Zauber.

Zum Schluss hänn alli e bitz gwunne
me macht e Hotel drus
veruggt isch grad soviel wie gspunne
villicht wird's Dépandance fir d'Sunne
villicht e Freydehus.

Doch ändlig ka me z'fride sy
mer sinn jo alli froh
me weyht dä Bruggekopf jetz y
viel Prominänz isch schyns derby
und losst sich's guet lo goh.

Nur darf me trozdam nit vergässe
s'sinn nit die erschte gsi
s'sinn vorhär anderi dinne gsässe
hänn ibernachtet, gsoffe, gfrässe
dr Bebbi lacht sich hi.

Glaibasler-Clochards, Trottoirpfunzle
hänn d'Glägscheit benutzt
Nacht fir Nacht dien als die Runzle
in de neye Näschter schmunzle
die hänn eine butzt.

Wenn dert jetz ein in's Bett will ligge
so ka's em guet passiere
dass en d'Wäntele dien bigge
oder d'Fleh in's Fidle zwigge
und Filzlys dien spaziere.

Pir's Hotel näbem Kaffi Spitz
isch die Regglame mys
es syg denn ebbe gar kei Witz
d'Madrazze seichele e bitz
das druggt dr Stundeprys.

Zwor isch das nit so keibe schlimm
wenn mängmol au ein schimpft
d'Olympen sinn jo meischtens dinn
wo au nit grad viel besser sinn
und die drei Ehre-Zimpft.

Am Zyschtig ka me vom Morge am nyini bis z'Nacht
am elfi in dr Mubahalle d'Ladärne-Ustellig
go bsueche.
